

DIRA TEFELO

Ke eng se sempsha?

- **14 Aprele 2020 - Phokoletšo ya kgaoletšo ya boleng bja botlalokgolo bja tšheke go tloga ka la 1 Mei 2020**

Go tloga ka la 1 Mei 2020, Payments Association of South Africa (PASA) e tla fokotša boleng bja botlalokgolo bakeng sa tefelo ya tšheke go tloga go boleng bja gabjale bja R500 000 go fihla go R50 000. Ka kgopelo lemoga gore go tloga ka letšatšikgwedi le go iša pele ditefelo go SARS tša go feta R50 000 di ka se amogelwe. Ga go aroganyo ya ditefelo go rarela magomo a tšheke empsha yeo e tlo dumelewago, mohlala, go ntšha ditšheke tše pedi bakeng sa palo e tee ya R50 000 go dira tefelo ya R100 000, go ya ka melao ya PASA.

Go imolla kgatelelo go makala a dipanka ka tšhaparego ya COVID-19, re tata go tlhohloletša balefela motšhelo gore ba se dire ditefelo tša tšheke le kheše go SARS eupša ba dire ditefelo tša elektroniki ka eFiling goba EFT.

Dikgetho tša go lefela

Ga bjale go na le dikgetho tše mmalwa tše o ka di dirišago go dira tefelo go SARS::

1. Pankeng

Ditefelo go SARS di ka dirwa dipankeng tše di latelago: Absa, FNB, Nedbank, Standard Bank le Capitec.

Ka kgopelo khouta ID ya maleba ya moholegi le nomoro tšhupetšo ya maleba ya tefelo (PRN).

Maele a bohlokwa kudu: Ditefelo tša Air Passenger Tax (APT) di ka dirwa fela makaleng a dipanka tša Absa, Nedbank, FNB le Standard.

2. Ditefelo ka eFiling

Balefela motšhelo ba eletšwa go beakanya kgetho ya 'credit push' goba ba diriše mekgwa e mengwe ya SARS ya go lefela.

Ka 'Credit push', tefelo e dirwa ke wena, mong wa akhaonte ya pank. Ge o dira tefelo go SARS, eFiling e tla romela kgopelo ya tefelo pankeng ya gago gomme e tla laetša palo ya tšhelete yeo e swanetšego go lefelwa go setšweletšwa sa maleba sa pank.

Molefela motšhelo o tla dumelela kgopelo ye ka mo go tlwaelegilego ka setšweletša sa maleba sa pank. Se se romela taetšo pankeng go dira tefelo go SARS.

Ditefelo tša 'Credit Push' di tšewa bjalo ka ditefelo tša go se kgone go bušetšwa morago gomme di ka dirwa fela ge mong wa akhaonte a na le tšhelete ka akhonteng. Transekšene ya 'Credit Push' e ka khanselwa pele e ka dumelelwa. [Hwetša tshedimošo enngwe mo.](#)

Dipanka tše di latelago di ka dirišwa bakeng sa ditefelo tša eFiling: Absa, Bidvest Bank, Capitec Bank, Citibank, FNB, HSBC, Investec, Nedbank, Standard Bank, Standard Chartered, Mercantile Bank, AIBaraka, Sasfin le HBZ.

3. Thomelo ya Tšhelete ka mokgwa wa Elektroniki (EFT)

Tefelo e ka dirwa ka dinolofatši tša go pank ka inthanete ka go diriša lenaneo la maemo a go theoša fase ga di-ID tša baholegi tše di tlaleditšwego sa ruri tše di filwego ke pank. Baholegi ka moka ba SARS le di-ID ba tlaleditšwe saruri go ya ka maina "SARS- <Tax Type>". Ditefelo ka moka tša inthanete di swanetše go šupetšwa ka maleba go tiišetša gore SARS e kgona go tlhaola tefelo ya gago gape le go kgona go e abela botse ka akhaonteng ya gago. O ka se kgone go dira tefelo ge eba tšhupetšo ya gago e fošagetše.

Dipanka tše di latelago di thekga mokgwa tšhomo wo: ABSA, AIBaraka, Grobanks Ltd (previously Bank of Athens), Capitec, FNB, HSBC, Investec, JP Morgan, Mercantile Bank, Nedbank le Standard Bank.

4. Go lekala la SARS la Khastomo

- Makala a Ditseno a SARS - ga a sa dumela ditefelo tša kheše goba tšeke. Ditefelo tša kheše goba tšeke go SARS di ka dirwa pankeng bjale ga ge go hlalositšwe ka godimo.
- Makala a Khastomo le Motšhelophahlogae - ditefelo tša kheše le tšeke di a dumelelwa.

5. Ditefelo tša Dinaga tša ka ntle






Ka kgopelo lemoga: Mokgwa wo wa tefelo o swanetše go dirišwa fela ke balefela motšhelo ba dinaga tša ka ntle moo go se nago dikgetho tše dingwe goba dikanale tša tefelo, mohlala, moo ditefelo ka tirišo ya eFiling, go panka ka ithanete (EFT) goba tefelo ka panka di sa hwetšagalego.

Maele a Bohlokwa kudu: Ge eba molefela motšhelo wa naga ya ka ntle o na le akhaonte ya panka ya ka Afrika Borwa, mokgwa wo wa tefelo o se dirišwe.

Ditefelo di ka dirwa ka mokgwa wa elektroniki ka go akhaonte ya panka ya SARS' ka go diriša molaetša wa standard SWIFT 103 le Nomoro ya Moholegi ya ID/Nomoro ya Akhaonte ya "SARS-FOR-999". Ke FNB fela yeo e thekgago mokgwatšhomo wo.

Na o hloka tshedimošo enngwe?

Go hwetša tshedimošo enngwe ka ga melao ya tefelo go SARS, ka kgopelo šupetša go lenaneo la ditokumente tša tefelo ka tlase.

Top Publications	
	Completion of DA 70
	Guide on Account payment process
	Guide to Bulk and Additional Payments on eFiling
	SARS Payment Rules
	Guide to the Payment Advice Notice functionality on eFiling